



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1517070
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

02 օգոստոսի 2022թ.

Բ. Երևան
(կազմման վայրը)

Ակտի հասցեատեր

«ԼԵՌ ՔԱՐ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	5	5	3	8	8	8	3
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Շիրակի մարզ, ք. Գյումրի, Մատենիշյան փող. 41

(անհատ ձեռնարկատիրոջ հաշվառման հասցեն կամ իրավաբանական անձի գրեկտիվ վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 06.06.2021թ-ի թիվ 1517070 որոշման համաձայն «Լեռ Քար» ՍՊԸ-ի նկատմամբ իրականացված օպերատիվ-հետախուզական միջոցառումների արդյունքում ձեռք բերված տեղեկությունների պարզվել է, որ 19.07.2022-ին ժամը 11:40-ին ընկերության կողմից «Կամազ» մակնիշի 35 UC 715 պետհամարանիշի տրանսպորտային միջոցով իրականացրել է սև տուֆի մեծաբեկորների մատակարարում Ա/Ձ Արթուր Ավետիսյանին (ՀՎՀՀ՝ 57313299): ՕՀՄ-ի շրջանակներում պարզվել է, որ մեքենան վարում էր ընկերության տնօրեն Լիպարիտ Մկոյանը ում մոտ առկա էր համապատասխան ուղեկցող փաստաթուղթ: Վերջինիս ներկայացրել է գրավոր հայտարարություն, համաձայն որի մեքենայում առկա 5 խոր. մետր սև տուֆի մեծաբեկորները բեռնել է 19.07.2022թ-ին ժամը 11:00-ի սահմաններում ընկերության կողմից շահագործվող Շիրակի մարզի, Ջրածոր գյուղի մերձակայքում գտնվող Կայծքարի հրաբխային տուֆերի հանքավայրի տարածքից: Որից հետո մեքենան հանքավայրի տարածքից դուրս է եկել ժամը 11:40-ին՝ մեծաբեկորները Ա/Ձ Արթուր Ավետիսյանին (գ. Կապս գյուղի տարածքում գործող քարի մշակման արտադրամաս) մատակարարելու համար: Հանքավայրի տարածքից դուրս գալուց հեռախոսակապի միջոցով հանձնարարել է ընկերության հաշվապահին դուրս գրել տվյալ մատակարարման էլեկտրոնային փաստաթուղթը: Լիպարիտ Մկոյանը հայտնել է նաև, որ 1 խոր մետր սև տուֆի վաճառքի գինը կազմում է 30.000 ՀՀ դրամ:

ՀՀ ՊԵԿ տեղեկատվական բազայում (Հարկատու-3 ծրագիր) 19.07.2022թ-ին ժամը 12:15-ի դրությամբ ընկերության կողմից ընդհանուր 150.000 ՀՀ դրամ արժեքով ապրանքի մատակարարման վերաբերյալ դուրս գրված հաշվարկային փաստաթուղթ արտացոլված էր:

Թիվ 1517070 արձանագրությամբ 19.07.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 29.07.2021թ-ին նշանակված վարչական վարույթի լուծմանը: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Լեռ Քար» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտաբերության) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Լեռ Քար» ՍՊԸ-ի կողմից խախտումը վերջին 1 տարվա ընթացքում կատարվել է առաջին անգամ: Ապրանքների ընդհանուր գումարը կազմում է 150.000 ՀՀ դրամ, որի 50%-ը կազմում է 125.000 ՀՀ դրամ, ուստի օրենսդրական պահանջից ելնելով «Լեռ Քար» ՍՊԸ-ի նկատմամբ կիրառելի է 500.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

- Հաշվարկել «Լեռ Քար» ՍՊԸ-ին գանձման առաջադրել 500.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	500.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Լիպարիտ Մկոյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հարուկ առաքման դեպքում)



Երրորդ օրվանից

ընդամենը 3 էջ

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)